



新刊萬病回春原本卷之八

# 癰疽

大醫院吏目金谿雲林龔廷賢子才編

同邑後學周亮登元龍校

**癰疽**

脈數浮陽亢陰浮數不熱但惡寒侵若知痛處急灸或針洪數病

進將有膿汗滑實緊促內消可禁宜托裏者脈虛濡遲或乳澇微潰後

亦宜長緩易治短散則危結促代見必死無疑

瘡瘍之症當察經之傳受病之表裏人之虛實而攻補之假如腫痛熱渴

大便閉結者邪在內也疎通之腫焮作痛寒熱頭疼者邪在表也宜發散

之焮腫痛甚者邪在經絡也和解之微腫微痛而不作膿者氣血虛也

補托之漫腫不痛或不作膿或膿成不潰者血氣虛甚也峻補之色黯

而微腫痛或膿成不出或腐肉不潰者陽氣虛寒也溫補之若疑其未

潰而槩用敗毒復損脾胃不惟癰者不能成膿而潰者亦難收斂七惡

之症蜂起多致不救經云諸痛癢瘡瘍皆屬心火若癰赤煩燥發熱引

冷便閉作渴脈洪數實是其常也雖在嚴寒之時必用大苦寒之劑以

瀉熱毒若脉微皮寒瀉痢腸鳴飲食不入嘔吐無時手足逆冷是變常也雖在盛暑之時必用大辛溫之劑以助陽氣經曰用寒遠寒用熱遠熱有假者反之雖違其時必從其症

癰疽大按乃痛者病深小按梗痛者病淺按之處陷不復者無膿按之處即復者有膿不復者可消若按之都牽强者未有膿也按之半軟者有膿也又手按上下不熱者無膿若熱甚者有膿凡覺有膿急當破之無膿但氣腫若有血慎之慎之不可針破也

癰者大而高起屬乎陽六腑之氣所生也疽者平而內發屬乎陰五臟之氣所成也

凡癰疽未破毒攻臟腑一毫熱藥不敢用若已潰破臟腑既虧飲食少進一毫冷藥不敢用也

腫瘍者癰疽未見膿而腫也

腫瘍內外皆難宜以散毒表散為主說欲行大黃者宜審其虛實之原

癰疽初起之時宜○灸法 治癰疽發背初生累試累効

凡人初覺癰疽發背已結未結赤熱腫痛先以濕紙覆其上立視候其紙先乾處卽是結疽頭處取大蒜切成片如三個銅錢厚安在頭上用火艾壯灸之三壯換一蒜片痛者灸至不痛不痛者灸至痛時方住最要早覺早灸爲土方發一二日者十灸十愈三四日者六七愈五六日者三四愈過七日則不可灸矣若有十數頭作一處生者用大蒜搗成膏作餅子鋪瘡頭上聚艾燒之亦能安也若背上初發赤腫內有一粒黃如粟米者卽用獨蒜切片如前灸法治之次日去痂膿自潰也

○竹筒吸毒方

諸般惡瘡並治

用苦竹長一二寸用頭節妙刮去青皮似紙薄爲佳其大小隨瘡斟酌應毒瘡初發時用 白蒺藜 蒼朮 烏柏皮 白厚朴 各五錢重

右四味剉片用水一碗同煎竹筒煎煮以藥將乾爲度乘竹筒熱以手按之於瘡上填之其筒白粘在瘡上不必手按也仍更用前藥分兩再煮候前竹筒冷以手拔去再換熱者如前法其膿自吸入筒中而愈荆芥敗毒散 治癰疽疔腫發背乳癰等症增寒壯熱甚者頭痛拘急

狀似傷寒一二日至四五日者一二劑衰其毒輕者內白消散

防風 荆芥 羌活 獨活 柴胡 前胡 薄荷 連翹 桔梗

枳殼 川芎 茯苓 金銀花 甘草 大便不通加大黃芒

硝熟甚痛急加黃芩黃連 右劉生姜煎服瘡在上食後服在下食前服

○千金漏芦湯 治一切惡瘡腫毒丹瘤癰癤疔腫魚睛五發癰疽初覺

一二日便如傷寒頭痛煩渴拘急惡寒肢體疼痛四肢沉重恍惚悶亂

坐臥不寧皮膚壯熱大便閉結小便赤黃煎治雖婦勿用

漏芦 白歛 黃芩 麻黃 枳實 麩炒 升麻 芍藥 甘草炙

大黃 芒硝 連翹 右劉作劑水煎服

○追風通氣散 治癰疽發背腦疽流注腫毒救壞病活死肌弭患於未

萌之前拔根於既愈之後此藥順氣勻血扶植胃本不傷元氣條蕩邪

穢自然通氣不生變症兼治打破傷折疝氣血疝脚氣諸氣痞塞塊痛

腰痛一切痰飲為患 當歸 何首烏以認木通認皮赤芍 白芷

烏藥 小茴香 枳殼 麩炒 甘草

右制酒水各煎病在上食後服在下食前服

一癰疽初萌必氣血凝滯所成爲日既久則血積于所滯而後盛作故

病人氣血盛者減當歸多則生血發于他所再結癰毒生生不絕矣

一癰疽發背在上者去木通恐導虛下元爲上盛下虛之病難於用藥

一癰疽生痰有二一胃寒生痰加半夏健脾化痰二乃鬱而成風痰加桔梗生羌

一流注可加獨活流注者氣血凝滯故氣滯則血留而凝加獨活者可

以動一身血脈血脈既動豈復有流注乎一方以醋濕紙貼痛處以炒薑熨之即消

一流注起於傷寒傷寒表未盡遺毒於四肢經絡溢於所滯而後爲流注也如病尙有潮熱則裏有寒而未盡散加升麻蘇葉熱不退加乾

葛頭痛加川芎姜蔥無汗用酒水各半煎大能行血生氣故也

一發背既久不愈乃前醫用涼藥過也涼藥內傷其脾外冰其血脾主

肌肉脾既受傷飲食必減顏色痿痺肌肉不生血爲脈絡血一受冰

則氣不旺肌肉糜爛故必理脾脾健肉自生本方去木通少用當歸

加厚朴陳皮盛則加白豆蔻

一凡病癰疽之人有泄瀉者不可便服此藥宜先服蠟礬丸止瀉後用

一腸肚內癰宜十宣散與此方相間服之並宜加忍冬藤

一腫毒堅硬不穿加川芎獨活麻黃連鬚忍煎服出汗即穿

一傷折在頭上去木通加川芎陳皮

一經年腰痛加草薢玄胡索酒煎 一脚氣加木瓜檳榔穿山甲水煎

一痰飲為患或喘或咳或暈頭痛睛疼遍身拘急骨節痺疼胸背頭項

腋膀腰腿手足聚結腫硬或痛或不痛按之無血潮雖或有微紅亦

淡薄不熱堅如方破之無膿或有薄血或清水或如乳汁又有壞肉

如破絮或又如癩癧在皮肉之間如雞卵可移動軟活不硬破之亦

無膿血針口努肉突出惟覺咽喉痰實結塞作寒作熱如南星半夏

○神功散 治癰疽發背一切疔毒并癩癧等症已成未成患者神效

川烏 泡去皮尖 川黃柏 各去粗皮 各等分

右為細末用唾調成膏如唾少漱口水亦可發背癰疽等瘡纔起者敷

患處留頂候藥乾用淘米水貼常潤濕每日藥敷一次如瘡已成重患

將潰爛者先將槐枝艾葉煎湯頓溫將瘡洗淨用絹帛展去膿血以香  
 油潤患處用綿紙仍照患處剪成員錢留頂貼上後用藥塗於紙如乾  
 依前用淘米水潤日換一次聽其自然流膿不可手擠如敷藥後病人  
 瘡覺在痛減熱即愈如生肌則腐肉自落腐如不落者剪割亦可最  
 宜用斜發背不宜貼膏藥凡醫瘡屏去別醫止飲別藥方可治忌氣怒  
 房事勞復并孝服體氣飲酒之人飲食忌酒并雞羊魚肉瓜茄薑辣之  
 物若因氣怒反復發腫依前治之如治對口并腦疽不必洗去舊藥逐  
 次添藥恐動瘡口惹風也一腫毒加南星赤小豆等分醋調塗即消薑汁亦可  
 ○真人奪命飲 治一切癰疽疔腫不問陰陽虛實善惡腫潰大痛或不  
 痛然當服於未潰之先與初潰之際如毒已大潰不可服仍用一劑大  
 勢已退然後隨症調治其功甚捷誠仙方也

穿山甲 三人片切始粉炒成味

天花粉

甘草節

乳香 明透者

赤芍

白芷 各一 防風

貝母 各七

沒藥

陳皮 一錢

歸尾 一錢

金銀花 二錢

右劉一劑好酒煎空心熱



服能飲者服後再飲酒三五杯滓再煎服在背俞倍皂角刺○在腹膜倍白芷○在胸次加瓜蒌仁二錢○在四肢倍金銀花

○呂洞賓仙傳化毒湯○治癰疽發背乳癰一切無名腫毒初起服之立

消已成已潰服之立愈

防風 甘草節 白芷 茯苓 貝母 連翹 黃芩 白芍 各一分

天花粉 金銀花 各一分 夏七分 乳香 沒藥 各五分

右剉一劑好酒煎胸前飯前服背上飯後服下部空心上部食後俱要出汗為度如無汗用末香薰脚膝腕內被蓋汗出而愈

○神仙掛膿散 治惡瘡毒風毒疔瘡背花瘡小兒惡瘡膿血俱從大便

中出亦治氣滯腹脹及婦人經閉不通此方壯實之人可用虛弱者當忌之矣

大黃 十二兩酒浸一宿晒乾 白芷 沉香 木香

乳香 沒藥 穿山甲 陳壁土炒各五小

右各為細末量人虛實用之實者不過三錢虛者二錢半臨臥用好生酒調服服後禁飲食湯水半日五更覺腹內疼痛動三五次以稀米粥

補之服此藥內有穿山甲恐令人作嘔須慎之卽嚼生葱可止凡修合此藥要誠意不可令婦人雞犬見又不可多合恐久放則不效矣

○芙蓉膏

治癰疽發背諸毒

芙蓉葉

或皮或根亦可

黃荆子

右各等分八石日內搗極爛用雞子清調搽於瘡上留頂不過二次收

功頂如烟起立時止痛其効如神

○一方治發背癰疽不問已潰未潰敷上立消止痛如神

曰金鳳花科連根葉同搗爛先用陳米醋洗淨患處後敷藥一日一換

瘡將好用桑葉醋煮一滾卽撈起貼瘡上卽生肥收口而愈

○潰瘍者癰疽之膿已潰由也

瘍潰內外皆虛宜以補接爲主設欲行香散者宜防其虛實之失由是

言之則癰疽之腫時與潰時不同

○癰疽已潰之後宜後宜後方

學氏云疽疾將安每日當服十全大補湯以補氣血宜與千金內托散相間服

○托裏消毒散 治一切癰疽六七日未消者服此藥瘡未成卽消已成

卽潰能壯氣血固肥胃使毒氣不能內功使毒膿易潰肌肉易生切不

可早用生肌之藥恐毒未盡反潰爛難愈  
金銀花三 黃芪鹽水炒

天花粉各二錢 防風 當歸酒洗 川芎 白芷

厚朴姜汁炒 桔梗 川山甲土炒成珠 皂角刺炒各一不 陳皮三不

右到一劑酒水各一盞煎服瘡在上食後服在下空心服後用水煎服

○千金內托散 治癰疽瘡癤未成者速敗已成者速潰敗膿自出不用

手擠惡肉自去不用刀針服藥後疼痛頓滅此藥活血勻氣調胃補虛

祛風邪辟穢氣乃王道之劑宜多服之大効

黃芪蜜炙 人參 當歸酒洗各二不 川芎 防風

桔梗 白芷 厚朴姜汁炒 薄荷 草草生用各一錢

石為細末每服二錢黃酒調下不飲酒木香湯調下亦可或都作一劑

用酒煎服佳○癰疽腫痛倍白芷不腫痛倍官桂○不進飲食加砂仁

香附○痛甚加乳香沒藥○水不乾加知母貝母○瘡不穿加皂角刺

咳加半夏 陳皮杏仁生薑五片○大便閉加大黃枳殼○小便澀加參

門冬車前子木通燈草

○十全大補湯 治癰疽潰後補氣血進飲食實為切要凡膿血出多陰陽兩虛此藥有回生起死之功但不分經絡不載時令醫者觸類而長之可也或見腫平痛寬遂以為安慢不知省無補調養之功愈後虛証復見因而轉為他病而為劇者多矣

○神仙蠟礬丸 治癰疽及肺癰腸癰能消毒固臟腑止疼痛護脂膜止瀉漏化膿癰疽潰後宜○兼治諸瘡毒粉瘤痰核三五年者生料即消不問惡瘡新起者亦效 黃蠟二兩 白礬三兩 右為末溶蠟為丸如梧桐子大每服三十九丸酒下不飲酒熱水下 一日服三次肺癰蜜湯下咳嗽姜湯下

### 五善七惡主治

夫善者動息自寧飲食知味便利調勻膿潰腫消水鮮不臭神彩精明語聲清朗體氣和平是也此屬腑症病微邪淺更能慎起居節飲食自愈惡者乃五臟虧損之症或因汗下失宜榮衛消鑠或因寒涼剋伐氣血不足或因峻厲之劑胃氣受傷以致真氣虛而邪氣實外似有餘而內實

不足法當純補胃氣多有可生不可因其惡遂棄而不治

若大渴發熱或瀉泄淋閉者邪火內淫一惡也竹葉黃芪湯氣血俱虛入

子山柴萸加不應佐以加減入味丸同服

若膿血既泄腫痛尤甚膿色敗臭者胃氣虛而火盛二惡也人參黃芪湯

全大補湯加麥門五味

若目視不正黑睛紫小白睛青赤瞳子上視者肝腎陰虛而目系急三惡

也六味丸加炒山梔麥冬五味子如不應入珍湯加炒山梔麥冬五味子

若喘精氣短恍惚嗜臥者脾肺虛火四惡也六君子加大棗生姜如不應

心火刑剋肺金人參平肺散陰火傷肺六味丸加五味子煎服

若肩背不便四肢沉重者脾腎虧損五惡也補中益氣湯加山茱萸山藥

加山茱萸山藥五味

若不能下食服藥而嘔食不知味者胃氣虛弱六惡也六君子湯加木香砂仁如不應急加

附子

若發身嘶色敗唇鼻青赤面目四肢浮腫者臆肺俱虛七惡也補中益氣湯加大棗生薑

如不應用六君子湯加炮姜更不應  
急加附子十全大補湯加附子炮姜

若腹痛泄瀉咳逆昏惰者陽氣虛寒氣內淫之惡症也急用托裏溫中湯  
後用六君子湯加

附子或加  
姜桂溫補

若有潰後發熱惡寒作渴或吐忡驚悸寤寐不常牙關緊急或頭目赤痛

自汗盜汗寒戰咬牙手撒身熱脉洪大按之如無或身熱惡衣欲投於

水其脉浮大按之微細衣厚仍寒此氣虛極傳變之惡症也

若手足逆冷肚腹疼痛泄痢腸鳴飲食不入呃逆嘔吐此陽氣虛寒氣  
所乘之惡症也

若有汗而有惡寒或無汗而惡寒口噤足冷腰背反張頸項勁強此血氣

虛極變瘓之惡症也急用參芪歸木附子  
投之開有可生者

大抵五善見三則吉七惡見四必危虛中見惡症者難治實症無惡候  
者易治

○六味丸 名六味地黃丸 此壯水之劑夫人之生以腎為主凡病皆由

腎虛而致此方乃天一生水之劑無有不可用者世所罕知若腎虛發

熱作渴小便淋閉痰氣壅盛咳嗽吐血頭目眩暈小便短少眼花耳聾

咽喉內燥口熱瘡裂齒不堅固腰腿痿軟五臟齊損肝經不足之疾尤

常用之水能生木故也若腎虛發熱自汗盜汗便血諸血失瘖水泛病

疾之聖藥血虛發熱之神劑也熟地黃用生者自製山茱萸酒浸手

山藥各四兩白茯苓去皮牡丹皮澤瀉各三兩

右地黃酒蒸黑杵膏餘俟未煉蜜丸如梧子大每服七八十九丸漆水下

○八味丸 治命門火衰不能生土以致脾土虛寒而患流注鶴膝等症

不能消潰收斂或飲食小思或食而不化臍腹疼痛夜多涎溺即六味

丸加肉桂附子各一兩經云益火之源以消陰翳即此方也

○加減八味丸 治癰疽瘡瘍後及將痊口乾渴甚舌或生黃皮未思

先渴此腎水不能上潤致心火上炎水火不能既濟故心煩燥小便頻

澁或白濁陰痿飲食減小肌膚瘦削諸症服此以生腎水降心火諸症

頓正及治口舌生瘡不絕 山藥一兩山茱萸去核淨肉桂心去粗

澤瀉白茯苓去皮牡丹皮五味子仁兩牡丹皮五錢

熟地黃用生者半斤酒拌右為末入膏加蜜少許同丸如梧子大

每服六七十丸五更初末口語前或空心用鹽湯送下

●補中益氣湯 治元氣虛損或因尅伐惡寒發熱肢體倦怠飲食少思

或不能起發消散生肌收斂或兼飲食勞倦頭暈身熱煩燥作渴脉洪

大弦虛或微細軟弱 黃芪蜜炙 人參 白朮去苦 甘草炙用一錢五分

當歸一錢 陳皮五分 升麻 柴胡三分 右剉一劑姜棗煎服

○四君子湯 治脾胃虛弱或因尅伐腫痛消散潰斂不能宜用此以補

脾胃諸症自愈若誤用攻毒七惡隨至脾胃虛弱飲食少思或食而難

化或欲作嘔或大便不實若脾胃氣虛瘡口出血吐血便血尤宜用之

蓋血能攝血故也凡氣血俱虛之症宜此湯但加當歸脾胃既壯飲食

自進陰血自生若用四物湯沉陰之劑脾胃復傷諸症蜂起若命門火

衰而脾土虛寒必用八味丸以補土母

人參 白朮去苦 茯苓 甘草炙 右剉一劑姜棗煎服

○六君子湯 治脾胃虛弱或寒涼尅伐腫痛不消或不潰斂宜服此湯

以壯榮氣諸症自愈即四君子湯加陳皮半夏

○八珍湯 治脾胃虛損惡寒發熱煩燥作渴或瘡瘍潰後氣血虧損不



水清稀久不能愈即四物四君子合方

○十全大補湯 治瘡瘍氣血虛弱腫痛不愈或潰瘍膿消寒熱自汗盜

汗食少體倦發熱作渴頭痛眩暈以中風狀即八珍湯加黃芪肉桂

○托裏溫中湯 治瘡瘍膿潰元氣虛寒或固克伐胃氣脫陷腸鳴腹痛

大便溏泄神思昏憤此寒變內陷絞則不治

羌活 乾薑 附子炮去皮胎 益智 丁香 沉香 木香

茴香 陳皮各一錢 甘草炙三錢 右劉姜水煎服

○人參黃芪湯 治潰瘍飲食少見無睡發熱 人參 陳皮 麥門冬

白朮 蒼朮米泔浸 黃芪錢一 歸身 升麻各五分 黃柏炒四 右劉水煎服

○竹葉黃芪湯 治癰疽氣血虛胃火盛而作渴

淡竹葉錢一 芍藥 麥門冬 半夏 川芎 甘草 石膏

黃芪炮 人參 當歸 生地黃錢一 右劉作二劑水煎服

○人參平肺散 治心火剋肺傳為粗痰咳嗽喘嘔痰涎壅盛胸膈痞滿

咽隘不利若因肺火太過而治當補肺若因腎水不足而患當補脾肺